

ёхуд Улугбекнинг ўгли Абдуллатиф томонидан шахид бўлмагани хусусидаги ҳақиқатлар

Мирзо Улугбекнинг "Зижи жадиди Кўрагоний" асарининг тўртинчи қисми астрология билан нияланган. Собик иттифок даврида астрология, метафизика, антология, коинот фалсафаси, генетика ва 1960 йилларгача кибернетика фанлари инкор қилинган. Яқин тарихнинг бундай ноҳолислиги оқибатида ота-боболаримиз қолдирган жуда кўп илмий мерос йўқолиб кетди. Борлари ҳам бир ёқлама талқин қилинди. Хусусан, Мирзо Улугбек илмий мероси, сиёсий фаолияти, барпо этган расадхонаси тақдирига бир ёқлама қаралиб, уларга ёлгон гувоҳликлар келтирилди. Ноҳолис мафкура тарафдорлари Мирзо Улугбек дин уламолари фитнаси, хусусан, Хожа Ахрор томонидан уюштирилган диний фанатизм оқибатида ўлдирилган, деб турли асоссиз уйдирмаларни тўқиб чиқарганлар. Адабиётшунос олим, академик Ботурхон Валихўжаев Хожа Ахрор Вали ўзининг диний-сиёсий фаолиятини Мирзо Улугбекнинг ўлимидан кейин бошлаганлигини алоҳида таъкидлайди...

Шубҳасиз, ўша даврда темурийлар билан мўғул хонлари ўртасида қелишмовчиликлар бўлиб туриши табиий ҳол эди. Алишер Навоий мўғул хонларининг ярасига туз сеппиб, Туронзамин хон, ҳоконлар юрти эмас, балки шаханшоҳлик замини эканлигини, қадимдан Эрон ва Туронда шаханшоҳ, Хиндистонда рожа, Хитойда фағфур, Рум ерларида қайсар, Мўғулистонда хон, ҳокон ҳукмронлик қилиб қолганлигини айтади.

Ўша пайтлар шох ёки шаханшоҳ бўлиш учун унинг отаси пайгамбар-саййид авлодларидан бўлиши шарт эди. Гоявий, мафкуравий давлатчилик, давлатдорлик масалаларида ҳам Турон шаханшоҳлик замини билан Мўғулистон ҳоконлик юртида катта фарқ бор эди. Мўғул қабилалари қадимдан хитойликлар билан муомалада бўлиб қолганлиги боис улар Хитойнинг "йн-ян" фалсафий гоясига таянишган. Бу гоя қадимги Эроннинг "парсуа" – форслар қабилалари ёйган гоялардан ақидавий томондан фарқ қилса ҳам фалсафий жиҳатдан бир-бирини тўлдирарди.

Темур ва темурийлар, хусусан, Мирзо Улугбек давлатдорлик ишларида Туроннинг шаханшоҳлик, падаршоҳлик гоялари устун турарди. Бу эса ўз навбатида модаршоҳлик, материалистик гояларга асосланган мўғул хонларига маъқул келмасди.

Шунинг учун ҳам Улугбек ўгли Абдуллатиф томонидан эмас, балки Мўғулхоннинг фитнаси, ёрлиги, фатвоси билан Аббос томонидан ўлдирилган, деган ҳулосага келамиз. Олимлар В.Бартольд, Е.Давидович, Б.Ахмедовларнинг изланишларида Улугбекнинг кейинги ҳаётига оид бирон-бир муҳим далил, ҳужжат келтирилмаган. Фақат П.

Булгаковнинг самарқандлик олим Абу Хафс Умарнинг "Матлаъ ан-нуҷум ва мажаъ ал-улум" асарининг 1364 йилдаги қўлёзмаси бир варағига кўзи тушиб қолади. Араб тилидаги бу ёзувда асар матнига, санасига мос тушмаган ҳолда "Абдуллатиф Улугбекни 1449 йил 17 октябрда қўлга олган, ўша йили 25 октябрда ўлдирилган" дейилади. Шундай экан, Улугбекнинг қандай қилиб "8 кун ичида Самарқандга, кейин Шохрухияга чекингани, кичик ўгли Абдулазиз билан Сирдарё бўйида ов қилгани, кейин яна Самарқандга қайтиб Абдуллатифга мағлуб бўлганини тан олгани ва ҳаж йўлида Абдуллатифнинг "хохиши" билан шахид бўлган"и қишида шубҳа уйғотади.

Тарихчи Мирхонднинг "Равзат ус-сафо" асарида айтилишича, бу котиллик 853 йил шаъбон ойининг бошида, яъни милодий 1449 йилнинг 19 сентябрида юз берган. Улугбекнинг ўлдирилиши билан боглик саналарнинг бу икки хиллиги ҳам шубхамизнинг ўринлилигини кўрсатади.

Мирзо Улугбекнинг Аббос томонидан ўлдирилгани хакида "Бобурнома"да куйидагича баён этилган:

Улугбек бахри улуму хирад,  
Ки дунёву динро азу буд пушт,  
Зи Аббос шахди шаходат чашид,  
Шудах харфи тарих "Аббос кушт".

Яъни, "илохий ва дунёвий илмлар денгизига шўнгиган Улугбек Аббос туфайли шахид бўлди. Абжад ёзувида битилган "Аббос кушт"дан у ўлдирилган сана келиб чиқади". Аммо манбада Абдуллатиф хакида ҳеч нарса дейилмаган.

Ёки яна бир "Бобо Хусайн кушт" деб тугаган бошқа манбада Абдуллатифнинг ўлими хакида айтилади. Ушбу абжадли шеърда ҳам Улугбек ва унинг одамлари хусусида ҳеч қандай маълумот келтирилмаган:

Абдуллатиф Хисрави Жамшид фар ки буд,  
Дар силки бандагонаш Фариддуну, Зардухушт,  
Бобо Хусайн кушт шаби жумъааш батир,  
Тарихаш ин навис ки "Бобо Хусайн кушт"

Маъноси: Абдуллатиф қадимги Хисрав ва Жамшид подшоларидай, Фариддину Зардушт каби салохиятли бандалардан эди. Жума окшоми уни Бобо Хусайн ўқ узиб ўлдирди. Тарихни бундай ёз уни "Бобо Хусайн шахид этди".

Ўз замонида халқ орасида Абдуллатифга нисбатан ҳурмат билан шеърӣ мисралар битилган:

Бобонг зулми замон юзидан ювиб ўтди,  
Одил отанг адолат отини кувиб ўтди,  
Муборак эгнинггаким Салтанат тўни битди,  
Харна кодирсен кўрсат, эй навбат куни етди.

Шундай қилиб, Мирзо Улугбек, Абдуллатиф, Абдуллазиз, қозикалон Шамсиддин Мухаммад Мискинлар мўғул хонлари фитнасининг қурбонлари бўлишди. Улугбек ва Абдуллатифни ўлдирган Аббос ва Бобо Хусайнлар мўғул хонлари, Мўғлуқхоннинг одамлари эди.

Улугбек бунёд эттирган расадхона тақдирига ҳам собиқ иттифок мафқураси тарафдорлари ноҳолис ёндашадилар. Шўро даврининг баъзи манбаларида расадхона гуё диний уламонинг фитнаси билан буздирилган дейилса, бошқа манбаларда расадхона

Ўз-ўзидан каровсиз колдирилганлиги туфайли бузилган дейилади.

Расадхонанинг Хожа Ахрор бошчилигидаги диний уламо фитнаси билан буздирилмаганлиги, у Улугбекнинг ўлиmidан кейин ҳам бир неча йиллар ишлаб турганлиги, кейинчалик каровсиз колдирилгани учун эмас, балки махсус буздирилганлиги бугун тарихий манбалардан маълум бўлаяпти.

Шайбонийхонлар ҳокимият тепасига келганидан сўнг темурийларни Туронзамин сархадларидан кувиб чиқарадилар. Манбаларда XVI асрга келиб, Шахрисабздаги Оксарой ва Мирзо Улугбек расадхонаси шайбонийлардан бўлган Абдуллахон II томонидан буздирилгани айтилади.

Расадхона ўз-ўзидан каровсиз қолиб асрлар давомида нураб, бузилиб кетган, деб совет тарихчилари фикрига қўшиладиган бўлсак, Абдураззок Самаркандийнинг расадхона ҳақида берган қуйидаги маълумотларини инкор этишимизга тўғри келади:

"Самарканднинг шимолида, шарк томонга мойилроқ ерда мос бир жойни тайин қилди ҳамда шухратли ҳақимларнинг ихтиёри бўйича у ишни бошлашга мувофиқ бир толе муқаррар қилинди. Расадхонанинг биноси давлат асосидек пойдевор, пойдевори эса салтанат (асосидек) устувор қилиб мустаҳкамланди. Иморатни тиклаш ва устини қўтариш (оятдаги) "албатта ўша (қиймат) қуни тоғлар сайр қилади" дейилган қунгача барқарор (турувчи) тоғлар сингари йиқилишу нурашлардан омон тарзда бажарилди".

Модомики, расадхона қийматгача нурамайдиган, бузилмайдиган қилиб қурилган экан, демак расадхона махсус буздирилган. Акс ҳолда, ҳеч бўлмаганда бу мухташам бино қоя-тошлар қаби қўриниб туриши керак эди. Хўш, бу бино диний уламанинг фатвоси билан буздирилмаган бўлса, қим уни буздиришга журъат қила олади? Ахир бу ерда шаханшоҳ мақомига яқин амир Улугбек юлдузлар илми билан шугулланган. Ваҳоланки, ўша даврда хон фармон бермас ва хоҳиш билдирмас экан, ҳеч қим бундай ҳашаматли бинони буздиришга журъат қилолмасди. Демак, бу бузгунчилик гоёси Мўғул хонлиги, Туронзамин шаханшоҳлигига бориб такалади.

Шуни ҳолисона айтиш керакки, ер юзида ҳеч қандай гоё йўқ, у ягона бўлмаса. Бир-бирини инкор қиладиган гоёлар ҳам бир-бирисиз яшай олмади. Фақатгина айрим салтанат чайқовчиси бўлган манфаатпараст сиёсатчиларгина бир гоёни иккинчисига душман қилиб қўяди. Аслида гоё ягона.

Иқромиддин СИРОЖИДДИНОВ, Улугбек расадхонаси илмий ходими